



Narsarsuup siunissaa pillugu suleqatigiissitap suliaassaasa allattorsimaffiannut missingiut

Aallaqqaasiut:

2022-mut Aningaasanut inatsit pillugu isumaqatigiissummi Qaqortumi 1500 meterimik mittarfiliornissamut aningaasaliissutissat pissarsiarineqarput. Taamaalilluni Narsarsuup siunissaa pillugu suleqatigiissitaq 27. juuni 2019-imi nalunaarusiamik siullermik tunniussinermi kingorna suliaassat allattorsimaffianik nutartikkamik malitassaqaarluni pilerseqqinneqarpoq.

Tunngavigisaaq:

2018-imi Inatsisartut Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. 4, 22. november 2018-imeersoq akuersissutigaa.

16-02-2022
Suliaq nr.: 2017 - 19962
ID. nr. 72670888

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

2022-mut Aningaasanut Inatsisissap akuersissutigineqarnissaa sioqqullugu Kommune Qeqertalimmi kommunalbestyrelsi 10. septembari 2021-mi immikkut ittumik ataatsimiinnermini Naalakkersuisunut imaattumik inassuteqarniarluni aalajangerpoq:

*"Partiit tamarmiullutik isumaqatigiipput, Kommunalbestyrelsip tamarmiusup 1500 meterimik mittarfiliornissaaq aalajangiusimaannassagaa, aammalu allamik qinigassaqartoqanngitsoq Kommunalbestyrelsi Naalakkersuisunut nalunaaruteqassasoq."*¹

2022-mut Aningaasanut Inatsisissap akuersissutigineqarnerani Inatsisartut Qaqortumi 1500 meterimik mittarfiliornissamut akuersissuteqarput, taamaalillunilu suliaasaq taanna aallartinneqarpoq.

Tamatuma kingunerisaanik Narsarsuup siunissaanut pilersaarusiornissamut aalajangersimasumik alloriarloqarpoq

Ineqarnermut Attaveqaasersuutinullu Naalakkersuisoq aamma Kommune Kujallermi Borgmesteri 2. decembari 2021-mi ataatsimiikkamik suliat naamassereersut aallaavigineqassasut isumaqatigiipput.

Siunissami Narsarsuarmi Mittarfeqarfiit ataanni suliaassat

Siunissami Narsarsuarmi ilaasunik angallassinermi ukiumut tikittartut 50.000-it missaannik aamma aallartartut 3.000-it missaannik, tassalu ullormut tikittartut sisamanut aamma aallartartut sisamanut imaluunniit sapaatit akunnerannut dash 8-mut ataatsimut ikilinissaat naatsorsuutigineqarpoq. Angallassineq tunngaviusumik qulimiguulimmik aamma/imaluunniit umiarsuarmik ingerlanneqassaaq, piumasaqassuseq apeqqutaassalluni. . Qaqortumi mittarfik atulerpat Narsarsuarmi mittarfimmik ingerlatsinermi inuk ataaseq marlulluunniit taamaallaat sulisoralugit sulineq ingerlaqqissinnaavoq.

¹ Kommunalbestyrelsip immikkut ittumik ataatsimiinnerannit nr. 02-mit - ulloq.10.sep. 2021 - imaqarniliaq

Ullumikkut Narsarsuarmi Mittarfeqarfinni inuit 60-it missaanniittut sulisorineqarput: 30-t mittarfimmi, qulit pilersuivimmi aamma 20-t akunnittarfiup ingerlanneqarnerani. Siunissami Qaqortup mittarfiani 30-t missaanni sulisorineqarnissaat atorfissaqartinneqartussaavoq.

Suleqatigiissitap suliassai

Paasissutissanik katersuinerit annersaat "Narsarsuup siunissaa pillugu suleqatigiissitap nalunaarusiaa, juuli 2019"-imi pissarsiarineqarmata saqqummiunneqarlutillu, suleqatigiissitap suliassanik sullissinernillu aallaaveqarnissaa pingaartinneqarpoq. Taamaalilluni najoqqutassanik nutaanik annertuumik, soorlu nalunaarusianik annertunerusunik il.il. suliaqarnissamut isumalluutinik atuisoqassanngilaq. Suleqatigiissitaq:

- 1) Qaqortumi mittarfiup atulinnginnerani "Narsarsuup siunissaa pillugu suleqatigiissitap nalunaarusiaa, juuli 2019"-mi inassuteqaatit (ilanngussaq 1) qaqugu qanorlu piviusunngortinnissaannut naapertuunnerpaanersoq pillugu piffissamut pilersaarusiussaaq. Inassuteqaatit ukununga tunngasuupput:
 - a. Narsarsuarmi akunnittarfiup tunineqarnissaa
 - b. Narsarsuarmi ineqarnerup nalinginnaanngorsarneqarnissaa
 - c. Mittarfeqarfiit pigisaasa tunineqartussat isaterneqartussalluunniit allat paasinianeqarnissaat
 - d. Narsarsuarmi pilersuinerit Mittarfeqarfinniit Nukissiorfinnut tunniunneqarnerini aningaasaqarnikkut kingunerisassat paasinianeqarnissaat
 - e. Ikummatissamik pisariaqartitsiinnarnissap paasinianeqarnissaa, tamatumalu kingorna iliuusissanut pilersaarusiornissaq
 - f. Najukkami umiarsualivimmi oqartussaaffiup Mittarfeqarfinniit KNI-mut tunniunneqarnissaa
 - g. Sioqqanik immikkoortiterisarnermi suliat (atortullu) Kommunimut tunniunneqarnissaat
 - h. Peqatigiiffiup "Bevar Narsarsuaq"-p kissaataasa politikikkut isummerfigineqarneri
 - i. Kommunip sullissineri, soorlu uku:
 - Pisortat kuuffeqarfiutaasa ingerlanneqarneri
 - Nunaqarfimmi eqqakkanik katersuisarneq
 - Eqqaavissuup ingerlanneqarnera
 - Pisortat aqqusiniutaasa ukiuunerani aserfallatsaalineqarneri
 - Aqqusinernik pisinnullu aqqusinernik aserfallatsaaliuineq
 - Aqqusernit pisinnullu aqqusernit qaammaqqaannik ingerlatsineq aserfallatsaaliuinerlu
 - nunami aserfallatsaaliuineritsiunissami Mittarfeqarfiunngitsunit suliarineqartassapput. Mittarfeqarfiit Narsarsuarmi atortuinik, suliassanik isumaginninnermut atorneqartunik pisinissaq/tunisissaq pillugu oqaloqatiginninnermik aallartitsisoqartariaqarpoq
 - j. Nunaqarfimmi qatserisartut upalungaarsimasullu siunissami Mittarfeqarfinnit ingerlanneqaratik Kommune Kujallermit isumagineqartariaqarput

- 2) Mittarfeqarfinni sulisut Qaqortumi mittarfissami sulilernissamut neqeroorfigineqarnissaannut pilersarusiornissaq, tamatumalu peqatigisaanik Qaqortumi mittarfiup atulernissaata tungaanut Narsarsuarmi mittarfiup ingerlanneqarnerata ingerlaannarnissaanik qulakkeerinissaq siunertaralugu Mittarfeqarfiit aamma Kalaallit Airports Domestic A/S-ip akulerutsinneqarnissaat.
 - a. Tassunga ilanngullugu Narsarsuarmi mittarfiup atuuffiata appartinnissanut pilersarusiornissamut aallartitsinissamullu periarfissat misissuiffigineqassapput, tassanilu angalariaasiulersussatut naatsorsuutigineqartut eqqarsaatigineqassapput.
- 3) Kommune Kujallip aamma Namminersorlutik Oqartussani oqartussaaffiit attuumassutillit akornanni attaveqaatissanik, suliffeqarnermik, isumaginninnermik ilinniartitaanermillu isumaginnittussamik ilitsersuinnermilu suliniuteqartussamik pilersitsinissaq.
- 4) Narsarsuarmi inuussutissarsiordermi soqutigisanik periarfissanillu nalunaarsuinerit, kiisalu sullissisut attuumassutillit akornanni Narsarsuarmi inuussutissarsiordermi soqutigisat periarfissallu oqallisiginissaannut attaveqaatissanik pilersitsineq,
 - a. Tassunga ilanngullugu innuttaasut najugaqartut Narsarsuarmi siunissami inuussutissarsiutinik ineriartortitsinissamut takorluugaannik tunniusimanerinillu tulleriarilluni misissuinissamik aallartitsineq,
- 5) Sanaartukkanik, illunik inissianilluunniit matusisariaqartoqalissappat avatangiisinut kingunerisassat pillugit Naalakkersuisut isummernissaannut tunngavissiorneq.
- 6) Suliassat allattorsimaffiannut matumunnga ilaasunik suliniuteqarnermut atatillugu aningaasaliinissamut pisariaqartitanik pisariaqartunik nalunaarsuinerit,

Suleqatigiissitap aagqissuussaana

- Kommuneqarfik Kujallermi Ingerlatsivik suleqatigiissitamut pisortaavoq allattoqarfiullunilu. Suliassat allamut suliakkiissutigineqarsinnaapput.

Suleqatigiissitamut ilaasortaapput:

- Kommune Kujalleq
- Innovation South Greenland
- Ineqarnermut Attaveqaasersuutinullu Naalakkersuisoqarfik
 - o Mittarfeqarfiit
 - o Kalaallit Airports Domestic A/S
- Sulisartut kattuffiit sinniisi
- SPS (Savaatillit Peqatigiit Suliniaqatigiiffiat)

Ilaasortat sulisumik attuumassutilimmik aalajangersimasumik ataatsimik imaluunniit amerlanerusunik suleqatigiissitamut ikuuttussamik toqqaassapput.

Mittarfeqarfiit aamma Kalaallit Airports Domestic A/S pisariaqartillugu Ineqarnermut Attaveqaasersuutinullu Naalakkersuisoqarfiimmit akulerutsinneqartassapput.

Suleqatigiissitaq suleqatigiissitaaqqanik attaveqaatinilluunniit, suliassat allattorsimaffianni suliassanik aaqqiisussanik pilersitsisinnaapput, kiisalu suliatigut immikkut ittumik paasisimasalinnik ilaasortanngortitsigallarsinnaalluni.

Suleqatigiissitaq allattoqarfia suleqatigiissitaaqqat attaveqaatillu pilersinneqartut akornanni ingerlaavartumik ataqatigiissaarisassaaq. aammalu suleqatigiissitami tamarmiusumi ilisimasanik avitseqatigiittarnissaq isumagissallugu.

Suleqatigiissitaq qaammatit allortarlugit minnerpaamik ataasiarluni ataatsimiittassaaq. Pisariaqartillugu akulikinnerusumik ataatsimiititsisoqarsinnaavoq – allattoqarfik aggersaaqqullugu qinnuigineqarsinnaavoq imaluunniit nammineeirluni aggersaasinnaalluni.

Suleqatigiissitaq tunngaviusumik 31. decembari 2023-mi atorunnaassaaq, tassanilu pilersaarutit naammassisat politikikkut suliassanngorlugit tunniunneqassapput. Suliat immikkoortui siusinnerusukkut naammassineqarsinnaapput.

Suleqatigiissitaq inissititerfiusumik ataatsimiinnera 2022-mi martsimi Narsarsuarmi ingerlanneqassaaq. Aallarnisarfiusumik ataatsimiinnermi siunertaq, anguniakkat piffissamullu naatsorsuuteqarfiusut inissinneqassapput, taamaalilluni sulineq uuttorneqarsinnaassallu siunnerfeqarsinnaassallunilu.

Narsarsuaq ulloq 2022

Kommune Kujallermi Borgmesteri
Stine Egede

Ineqarnermut Attaveqaasersuutinullu Naalakkersuisoq
Mariane Paviassen